

La ARLeF al Parlament european: “Che si fasi in Friûl la Agjenzie europeane pes lengthis”

Il president Eros Cisilino al à presentât lis ativitâts de Region pe tutele dal furlan, domandant ae UE di istituî une Agjenzie europeane e di ripristinâ i finanziaments pes minorancis linguistichis

Ancje la ARLeF - Agjenzie regionâl pe lenghe furlane e jere presinte te ultime sentade plenarie dal Intergrup european “Minorancis tradizionâls, comunitàts nazionâls e lengthis” dal Parlament european. In graciis di chest, pe prime volte, il furlan, adun cun altri minorancis linguistichis, al à podût contâ ce che al è stât fat, a nivel locâl, pe tutele de sô minorance linguistiche e puartâ lis propriis istancis in Europe.

Vie pal incuintri fat a Strasburc e promovût de europarlamentâr furlane Elena Lizzi, al à partecipât, in videoconference, il president de ARLeF, Eros Cisilino, che al à fevelât di ce che la Region Autonome Friûl-Vignesie Julie e à fat pe promozion de lenghe furlane. Cun di plui, al à sclarît la situazion gjenerâl e la grande particolaritat dal Friûl, che al pues svantâ une coesistence secolâr, ancjemò vive, des trê fameis linguistichis plui grandis dal nestri continent – chê latine (cul furlan e talian), chê gjermaniche (cul todesc e cu lis comunitàts gjermanofonis) e chê slave (cul sloven).

Ma soredu, il president al à podût fâ domandis impuantantis denant dai parlamentârs che a representin lis diversis minorancis storichis de UE: «*Di agns o domandin la istituzion di une agjenzie europeane pes lengthis minoritariis che e sedi buine di capî lis tantis dibisugnis de popolazion europeane e che e rivi a dâ rispostis valevulis, vint ancje une rappresentance primarie intes sedis di guvier plui altis. Di temp il Friûl si à candidât a dâ acet a cheste Agjenzie, pal fat di jessi di simpri il cûr linguistic de Europe. Cheste domande no je un mateç, ma une esigjence réâl che aromai no si pues fâ plui di mancul, come che nus à dimostrât a clâr il Minority Safe Pack, une iniziative che e je rivade a cjakâ sù milions di adesions par domandâ un ricognossiment plui fuart pe tutele des lengthis minoritariis. Dongje di chest, o domandin di ripristinâ i fonts economics a pro des minorancis, che a son stâts abolits cirche 20 agns indaûr. La Union Europeane, che e fâs invistimenti di miliarts di euros in setôrs che dispès a lenzin lis sôs competencis, e varès di invistî ancje su lis minorancis, tuteladis intai siei tratâts. Chest al darès plui fuarce ae unitât continental, creant lis cundizions par une miôr cohesion tra i Stâts membris. Cun di plui – al à sierât Cisilino -, o domandin che chesci fonts a vedin une distribuzion che e favorissi lis minorancis no transfrontalieris, che a àn plui dificoltât a fâ front denant de pression linguistiche des lengthis maioritariis».* Un intervent che al à ben contentât il president dal Intergrup Lórânt Vincze, che al à dit di sintîsi dongje des propuestis.

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche / e-mail: arlef@caltpr.it

Eleonora Cuberli - mob. + 39 340 3546890 / Adriana Cruciatte - mob. +39 335 6853775

<<<<<<<

In ocasion de riunion - là che a àn partecipât ancje Mauro Missana di Radio Onde Furlane e Rossano Cattivello dal setemanâl in lenghe furlane "La Vôs dai furlans" - il president al à ancje podût rispuindi a cualchi domande su la cundizion de lenghe furlane intal sisteme scolastic.

Udin, ai 10 di Fevrâr dal 2024

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche / e-mail: arlef@caltpr.it

Eleonora Cuberli - mob. +39 340 3546890 / Adriana Cruciatte - mob. +39 335 6853775

<<<<<<<